





第七八五册

四庫全書

●上海古籍出版社

本冊目次

韋

全書

上海古籍出版社

續名醫類案(二)

蘭臺軌範

神農本草經百種錄

傷寒類方

醫學源流論

清魏之琇撰……………一

清徐大椿撰……………三四三

清徐大椿撰……………五五七

清徐大椿撰……………五八一

清徐大椿撰……………六三九

卷十八五冊

欽定四庫全書

子部
續名醫類案卷三十七
九

詳校官太醫院恩糧孔毓秀
編修臣倉聖脈覆勘

總校官編修臣王燕緒

校對官中書臣劉源溥

騰錄監生臣陳箴

欽定四庫全書

續名醫類案卷三十七

論錢氏陳氏痘瘡方

錢塘親之琇撰

欽定四庫全書

續名醫類案
卷三十七

讀前人之書當知其立言之意苟讀其書而不知其意
求通于用不可得也痘瘡之論錢氏為詳歷舉源流
經絡分明表裏虛實開陳其施治之法而又証以論
辨之言深得著書垂教之體學者讀而用之如求方
圓於規矩較平直於準繩引而伸之觸類而長之可
為無窮之應用也今人不知致病之因不求立方之
意倉卒之際據症檢方漫無一試設有不應并其書
而廢之不思之甚也近因局方之教久行素問之學
不講抱疾談醫者類皆喜熱惡寒喜補而惡解利忽
得陳氏方論皆燥熱補劑其辭確文簡歡然用之翕
然信之遂以為錢氏不及陳氏遠矣或曰子以陳氏
方為不足歟曰陳氏方誠一偏之論然亦可謂善求

病情者矣其意大率歸重太陰一經蓋以手太陰屬肺主皮毛足太陰屬脾主肌肉肺金惡寒而易於感脾土惡濕而無物不受觀其用丁香官桂所以治肺之寒也用附朮半夏所以治脾之濕也使其肺果有寒脾果有濕而兼有虛量而與之中病止何傷之有哉今也不然徒見其瘡之出遲者身熱者泄瀉者驚悸者氣急者渴而思飲者不問寒熱虛實率投木香異功等散間有偶中隨手獲效設或悞投禍不旋踵

欽定四庫全書

續名醫類案
卷三十七

何者古人用藥製方有向導有監制有反佐有因用錢氏方固未嘗廢細辛丁香白朮參芪率有監制輔佐之藥不專務於溫補耳然其用寒涼者多而於輔助一法畧開端緒未曾深及痼人之前不可說多錢氏之慮至矣亦將以候達者擴充廣而用之雖渴者用溫藥痺塌者用補藥自陳氏發之迥出前輩然其多用桂附丁香等燥熱恐未為適中也何者桂附丁香輩當有寒而虛者固是的當虛而未必寒者其為

言當何如陳氏立方之時必有夾寒而痘瘡者其用燥熱補之固其宜也今未夾寒而用一偏之方寧不過於熱乎予嘗會諸家之粹求其意而用之實未敢據其成方也

醫說續編

王節齋曰近時小兒痘瘡止宗陳文中木香異功散殊不知彼時立方時為運氣在寒水司天時令又值嚴冬大寒為因寒鬱遏痘瘡不紅綻故用辛熱之劑發之今人不分時令寒熱一概施治誤人多矣時值溫

欽定四庫全書

續名醫類案
卷三十七

熱山野農家貧賤之人其或偶中也

又曰丹溪痘瘡治法最為明備近世通用陳文中異功等方乃一偏之術若痘瘡虛怯淡白色痺塌此屬虛寒宜用陳文中方若發熱壯盛齊涌筋紫色燥痺此屬熱毒宜涼血解毒自陳文中方盛行後屬虛寒者率得生屬熱毒者悉不救痘是胎毒古人治法只解毒然氣血虛則逆毒氣不出及不能成就故陳文中之法亦千載妙訣補前人之所未備者但溫補之法

既行而解毒之言遂隱故救得一邊又害了一邊今必詳究丹溪二法通用斯無弊也

魏直曰痘漿數日陷頂漿滯不行或風寒所阻者宜用水楊枝葉無葉用枝五斤流水一大釜煎湯溫浴之如冷添湯良久照見漿起有暈熱者漿行也如不滿再浴之力弱者只洗頭面手足如屢浴不起者氣血敗矣不可再浴始出及痒塌皆不可浴痘不行漿乃氣滯血滯腠理固密或風寒外阻而然浴令暖氣透

欽定四庫全書

痘名醫類案

四

痘名醫類案

五

達和暢鬱蒸氣血通微漿自貫滿功非淺也若內服

助血氣藥藉此發之其效尤速嘗見一姬用此有驗

叩得其方行之百發百中慎毋忽也古無此法故詳

著之

水楊乃草也非楊柳之楊人家有小兒出痘者宜先收取否則一時難覓

安慶張氏傳種痘法云已三世其法先收稀痘漿貯小

磁瓶遇欲種者錄小兒生辰焚香置几上隨將黃豆

一粒傳以藥按方位埋土中取所貯漿染衣衣小兒

黃豆三日萌芽小兒頭發熱五日豆長兒豆亦發十

日而萎兒病隨愈自言必驗

三周識界

福山戍卒遇一醉虎縛獻王大将棘門將軍剖肉分贈

郡紳云小兒食之可以稀痘

全上

李捷用頭生雞子三五枚浸厠坑內五七日取出煮熟

與食數日再食一枚永不出痘徐都司得於浙人之

方

本草綱目

朱丹溪治一叟發熱而昏倦其脉大而似數與參芪歸

朮陳皮大料二十劑而痘出又二十劑而膿泡成身

欽定四庫全書

痘名醫類案

五

無完膚又六十劑而安

見明醫雜著

小兒痘

痘之為痘嬰兒之大劫也自漢以前無有元朔中武帝

使使至回鶻因傳染入中國其氣腥穢難近惟大貴

而賢者則聞出墨痘此絕無而僅有者也崑山朱恭

靖公名希周幼時出痘顆顆皆黑若求一帶於腰間

者人皆謂不治有一醫能識之謂朱翁曰令嗣之痘

無妨也然願與公約我有弱女痘痊後欲得令嗣入

贅翁許之後遂贅焉醫固富凡膏火之費悉以資之

後公中弘治丙辰狀元官至禮部尚書為禮樂名臣

卒年九十四諡恭靖

張氏危吉

張達泉治顏銓部為兒時中痘已死達泉視之曰未死

也急掘地作坑置兒其中取新水數桶用紙蘸之重

貼身上少頃有細烟起兒手微動達泉喜曰生矣復

以水沃之氣遂達上蒸大啼數聲取起再進以藥不

日愈

江南通志

欽定四庫全書

續名醫類案
卷三十七

六

王敏治千戶申志年二十忽瞋眩謔語體熱而咳衆醫

以傷寒治敏曰痘也與升均湯而瘡出

姑蘇志

葛茂林診汪比部子年二十五矣忽患痘汪故知醫以

為無恙也葛視佛然迨五日而足七日而靨亦佛然

至十四日而痂落汪信其無虞葛曰災其在彌月乎

至期而其子晏然汪置酒高會若以諛葛者葛視其

子之足底有泡結癰膚內曰吁其百哉迨是日而暴

沒汪以為神問其故葛曰夫痘構形之餘穢也苟有

纖芒未盡亦無生理是疾初發自腎而我知其不能

暢是以必死既而流注於足底焉以故發之緩而必

至是日也汪數服

杭州府志

沈好問治沈勤雲義女年十歲幼子痘女抱兒出診沈

曰兒無傷女即出惡痘矣若呼頭及骨痛宜服糞清

如其言而愈

錢塘縣志

唐守元治園花祝氏兒患痘遍身血逆無鱗唐搗藥塗

其身糝藥鋪茵蓐上捲起倒豎牀前合家啼駭唐叱

欽定四庫全書

續名醫類案
卷三十七

七

曰若輩勿驚此名蛇殼痘必用逆乃得脫已而皮膚

解裂如蛇蛻然遂愈

平湖縣志

關家女阿觀年八歲出痘甚惡沈曰諸醫云何對曰死

症不必藥矣沈曰兒一身死痘然有一生痘尚可生

今取五年抱雛母雞用藥入雞腹外以糯蒸雞令食

盡視之右手闕脉痘二粒明艷如珠女果生

錢塘縣志

江魯陶子一歲痘止三顆見額上耳後唇傍沈曰兒痘

部位心腎脾三經逆傳土尅水水尅火宜攻不宜補

攻則毒散補則臟腑相戕治至十四日痘明潤將成
矣沈曰以石膏治之恐胃土傷腎水也俗醫憐兒小
謬投以參沈見之驚曰服參耶不過二十一日矣兒
卒死 同上

許季明幼子痘沈曰順症也不必補小陽純陽陽盛必
尅陰許不從痘愈識沈為妄沈曰兒且死許益不悅
至十二日兒熟睡視之絕矣 同上

潘氏云一女病發熱腰痛手足厥逆目如昏閤形症極

欽定四庫全書

雜考醫書
卷三十七

八

惡疑是痘候時暑月急取屠家敗血倍用龍腦 冰片也

和服得睡須臾一身瘡出而安若非此方則橫夭矣

本草綱目

括蒼陳坡云分教三山日其孫方三歲發熱七日痘出
而倒靨色黑唇白冰冷一士人教以用狗蠅七枚搗
細和醕酒少許調服移時紅潤如常又其次女痘後
毒上攻遂成內障一老醫用蛇蛻一具洗淨焙燥天
花粉等分細末之入羊肝內麻皮縛定用米泔熬黃

切食之旬日而愈 居易狗蠅夏月極多易得冬月則藏於

耳中

扶溝趙神仙傳起死回生散治痘瘡至七八日忽然雙
色黑收入腹內偏身抓破吮喘死在須臾服此從新
另發出立可回生方用四物湯加升麻紅花上陷加
白芷下陷加牛膝遍身黑陷加麻黃象糞微炒如一
歲用二錢大則用至三五錢右剉一劑半水半酒煎
服從新發出脚下有黑疔至七八日用針挑去以太

欽定四庫全書

雜考醫書
卷三十七

九

乙膏貼之即拔去毒連進二三服 壽世保元

朱丹溪治一子七歲痘將出未出之際腹泄數行其泄
色黑不發根窠三日後痒抓出即黑色口渴其根窠
如水疥狀不紅澤不起發食少脉浮數有力按之虛
遂用參芪歸耒陳皮肉豆蔻為君炙甘草訶子桂為
使水煎熟好酒些少咽下痒立止食立進根窠紅澤
而起發二服全愈

龔子才治一女痘出至脹滿將貫膿時忽紫黑抓破流

血此屬熱毒太盛乃用皮硝不拘多少入花椒一撮煎水用青布蘸搭患處頻頻良久即起服如舊

孫文垣治鄭都諫長君四歲患痘稠密煩躁醫皆謂熱

盛不退形枯色紫頂有焦勢症逆不可為孫至細審

之見兩太陽圓淨神氣蒼厚

可生

在此謂當急為涼血解

毒用赤芍生地各三錢紫草二錢連翹黃芩貝母山

查木通各一錢蟬退甘草各五分藥成劑而衆止之

曰麻惡清涼症要溫今乃獨主寒涼保元之謂何孫

欽定四庫全書

痘名醫類案
卷三十七

十

曰用藥貴對症保元湯良矣必血活熱清而後可用

今血熱毒盛而用溫劑是大熾添油也衆曰若慮

毒未解吾苦醇法甚佳用桑蟲雞冠血酒調服之

症即立起孫曰此法亦可用於清解後火未退而用

是以毒攻毒其勢愈熾鄭遂命煎服其減去查貝母

從衆議也次日痘色明潤焦頂盡退血亦漸活惟嘔

噦搶喉衆謂藥所致孫曰此火毒未盡也宜進竹茹

湯乃大譁鄭弟減檢痘疹全書用竹茹以証乃已藥

退而噦止至八日泄瀉發痒乃以保元湯加白朮大

加首烏一帖瀉痒止至十四日天庭兩顙皆面漿作

靨惟兩顙未回洩瀉不止逾半日口開項軟四肢盡

癰腹又脹已成內攻舉家啼泣孫亦茫然不遑為計

太息出門鄭弟挾袂相送揖別頭聞衣間痘臭語之

曰君聞臭乎曰聞孫曰似生意急還起之因思頃乃

腎經部位獨不回漿者腎元虛也峻補乃可使活先

以紫河車一錢用酒調服服後即睡繼以人參一兩

欽定四庫全書

痘名醫類案
卷三十七

十一

黃芪兔絲各三錢作大劑服之一日夜服人參一兩

八錢再視之其結靨之下復灌一錢黃漿蓋贈痘也

遂調理而愈

此症如不收功則向之指斥寒涼及或用竹茹者皆可藉口矣

喻嘉言診顧謨明子種痘即請視其痘苗淡紅磊落中

含水色明潤可愛且顆粒稀疏疎疎他醫已先誇為狀元

痘昌未知也躊躇良久明告曰此痘熱尚未退頭重

頭軟神躁心煩便泄青白全是一團時氣外感兼帶

內氣虛若用痘門通套藥必危之道也必得一二劑

先退其外感則痘不治自痊若遲二三緩無及矣彼不聽而以蝦魚雞筍發痘之物雜投誤上加誤適以促其亡耳纔至六日而壞正應感痘壞期若痘既美即有意外變症亦在半月一月矣越二日次男即發熱布痘仍挾時氣外感仍用前醫仍六日而壞

馮楚瞻治蔣總憲之孫痘不甚密但先天甚弱壯熱潰汗不止四五日來痘反退縮平陷昏睡驚惕馮曰壯熱者陽在外也潰汗者陰外洩陽不斂也宜滋陰養

欽定四庫全書

姓名醫案

十一

陽補中則痘不發而自起矣以熟地八錢乳炒白朮三錢牛膝二錢麥冬二錢五味四分上肉桂六分煎服不逾時熟睡身涼汗收神爽痘起思食而愈

胡氏子患痘初起甚危一老醫斷其必死延馮同治見其方寒涼太甚所以伏不出有喘急腹脹諸症也先以酒釀雞冠血調下獨勝散一服解其伏之勢喘熱俱減痘有出勢其醫以必不救為事馮曰母若是以重主人之憂望為同事吉則君之功凶則某之事彼

猶不然其父惟日夜痛哭勉留調治十愈八九主人仍不樂蓋渠每日診視諄諄斷以不起時日直至結痂全愈主人乃喜形於色悔聽盛感幾至敗事

馮楚瞻五兒稟賦素弱年四歲出痘發熱一二日便神氣困倦汗出如雨已見痘因汗多陽虛一切疎解屏不用三日外汗出不止清利甚頻所見之痘反隱隱退縮未出者則實如也以人參炒白朮各三錢炙甘草八分固中為君天蟲三錢角刺一錢炒甲片六分

欽定四庫全書

姓名醫案

十二

攻托為臣以川芎八分升提而兼辛發肉桂六分溫經而兼外達為佐四日汗瀉少減出者少長未出者見形仍用前方加當歸大東煎服五日起脹者少有膿色後出者亦有起脹之勢但面上之痘淡紅無光彩身背之痘紫陷不潤澤知由血氣兩虛兼血滯而然只以溫補氣血為主前方加黃芪山藥黏米圓肉煎服六日痘色紅活但皮薄而亮膿色清稀四肢水泡知氣血弱而脾土更虛也乃用保元湯加桂人參

五錢滋補元氣為君生芪二錢充補衛氣為臣炙草六分緩中補土黏米一撮內壯胃氣外釀膿漿為佐肉桂宣通血脉補托為使七日膿色大長以和平養長之劑而痂

吳孚先治一兒患痘至出齊後忽變灰白七八日毫無藥路更兼便澹不思飲食勢極危用人參鹿茸製附肉桂木香桑螵蛸人牙穿甲角刺防風桔梗糯米以黃芪二兩煎湯煮藥改托一帖有漿脚二帖起脹三帖

欽定四庫全書

雜考醫部全錄
卷三十七

十四

漿足矣

一兒十三歲痘出稠密至八九日將貫膿時粒粒陷入成窠或與木香異功散陷伏愈甚視其痘色紅紫而體氣不弱曰此血氣欲行漿為毒氣壅遏故痘頂陷伏宜速清毒血氣自行緩則有變用當歸生地白芍紫草牛蒡連翹桔梗甘草山查黃芪加酒炒岑連人參三分一劑而陷起再劑而漿充滿矣

一兒年十四痘出身熱三四日後出繞隱隱數點忽發

譫狂或以涼藥解毒診之六脉緩弱痘色淡白曰此至虛似實也緣氣血虛弱送毒不出故發譫狂與實熱發狂者迥別投以溫中補氣之藥痘出遍身譫狂頓止

王履素曰余孫孟溥出痘起發貫漿俱如法惟回漿太早九朝左臂發一痘毒醫通用清熱解毒之藥不四劑而寒戰咬牙之症作矣皆泥於痘毒不敢用參朮止用歸芪而兼解毒余謂痘後氣血俱虛復以寒藥

欽定四庫全書

雜考醫部全錄
卷三十七

十五

傷脾故見斯症陽氣已虛甚即有歸芪亦何能濟況尚兼清解乎必無幸矣保嬰撮要寒戰咬牙門用十全大補湯即痘毒門初發時只用仙方活命飲一二劑旋用托裡散助其元氣則未成可消已成可清欲使氣血不充則不膿不潰難以收拾於是斷以已意服十全湯三劑而寒戰止再數劑而咬牙定及延瘍醫妙手外治其毒內服參芪歸芍不輟凡匝月而愈當寒戰症作臂腫方歟用藥頗多疑慮人參且不敢

多用而況白朮至於桂更不敢用至三分者余數曰立齋斷不悞遂決意用大劑參朮加桂至五六分而諸症皆瘳矣

周懷第四兒生四十餘日即出痘其初頭上并身上不過三四點身不甚熱飲乳如常醫謂痘極少當不滿百粒周未然之即令禁風調理再二日遂多甚頭上胸腹腰背手與稠密至額上面上及陰囊俱一片純紅不分顆粒臍內甚多因腫大突出舌上亦多形如

欽定四庫全書

痘名醫類書
卷三十七

十六

白粟膿漿布滿醫又謂兒小痘多且有不順諸症此必不可為矣因視其痘色紅活頗能飲乳宜可調治第慮其氣血不支以參芪炙甘草煎濃汁時與乳相間飲之五六日後頭上多膿漿間有水泡身上及手足則水泡大半膿泡僅小半耳謂其氣血有限理所宜然所慮額上面上一片純紅者必得皮下有膿而後毒氣可散仍與前藥以助藥汁至第七日一更時分額上純紅者忽有一二處變黑因大驚以為逆候也

然察兒精神及飲乳畧無因應至三更陰囊下亦轉

黑結痂因悟其非惡候乃兒小氣血易於周決七日後即收靨耳至八日寅卯時自上至下俱結痂至時結完九日自上至下俱痂落至晚落完既而遍身發大熱此毒未盡發是以速收速落將發癰也急宜解毒以大連翹飲濃煎汁每用半酒盃以茶匙緩緩挑服一日夜服三酒盃而熱退可無癰患矣其鼻上有痂封閉以蜜潤之用銀耳挖挑開以出其氣純紅處膿水未乾以黃柏黃連甘草地骨皮五倍子為細末拌之陰囊流清水用棉蘭散擦之皆愈

欽定四庫全書

痘名醫類書
卷三十七

十七

周次女六歲出痘發熱甚緩至二日面與手微有痘影數點熱至第四日其點仍舊且帶白色因倦嗜卧不思飲食醫視之謂痘輕少不滿百粒周心疑之謂痘既少兒當精神清爽飲食如常今因倦嗜卧不思飲食痘影淡白此必氣血虛弱送痘不出故也乃以溫中益氣湯托之一劑而皮下隱隱欲出者甚多二劑

而痘出大半一日夜盡四劑而遍身出齊稠密特甚緣數日前曾患發熱嘔吐稍傷胃氣故必待溫中托裡而痘始出也若不察其虛不逐毒出外必致內攻之患矣

周妹年二十三姪三四月偶受驚恐時歸寧不數日而半產又不數日而發熱二日而痘出頗多至四五日出齊甚稠蜜色淡白而嘔吐醫見其稟氣怯弱半產後痘出又多皆不敢施治周曰豈有坐而待斃者乎

欽定四庫全書

續名醫類書
卷三十七

十八

遂以參朮陳皮等安和胃氣止其嘔吐而痘色亦稍紅活因喜曰此可溫補而愈也以參朮歸芍炙草丁桂木香等大劑投之覺痘色轉紅活若半日不藥則又轉淡白于是日夜必盡兩大劑至貫膿時惡露尚未盡乃曰此注漏厄也即於前方中去官桂木香入炒黑乾薑蜜炒升麻柴胡各一錢二分阿膠艾葉各八分二劑而惡露止前方除此五味頻與之膿漿充滿至二十餘日乃收醫計服藥四十餘劑每劑用

參芪各三錢丁桂各一錢他藥稱是是豈區區常格所能盡哉痘後又患眼腫翳膜服清毒撥翳湯數十劑而愈

周表姪孫十歲出痘極稠密頸項尤多俗名鎖頸又有暴脹賊痘數粒在各處其痘初出帶紫黑色醫謂斷不可治周視之已餘六日矣尚無此少膿漿或者猶欲解毒周曰此但膿漿充滿更可生且至此時尚何毒之可解也兒素驕不肯服藥而喜飲酒

尚能飲酒非逆症可

欽定四庫全書

續名醫類書
卷三十七

十九

周曰此時正宜飲酒遂與參歸鹿茸湯一大劑令濃煎汁以好酒相半和勻頻飲之自申至辰服完一劑其頭面各處已膿漿大半矣至午刻忽溲泄二次知其內虛脾弱也以參朮散投稀粥內服二三錢泄止再服參歸鹿茸湯一劑遂充滿矣痂後餘毒頗盛大便秘濇用大連翹飲加酒炒大黃一錢二分數劑而安

一幼兒三歲出痘將屬時泄不止諸藥不效周以七味

豆蔻九數十粒與之亦不能止其九從大便而出知其虛滑甚也仍以前方教以米飲浸軟研如泥和粥少許食之泄止痘靨而安

一幼女年六歲出痘其症虛弱先服補藥已多結痂後忽泄不止服異功散加訶菟不效醫將以七味豆蔻丸與之周謂此女一向服補藥何一旦虛滑若是因審其大便時多努力且所下又少而色黃此必毒氣流注而然也遂以加味四苓散與之一服泄止後因

欽定四庫全書

續名醫類書

卷三十七

大便燥結復入檳榔青皮炒枳殼等味數劑而安

周尚有表弟妻第二則症治皆與吳孚先第二案同故省之

報痘

徐仲光一兒痘出二三點於左右目胞下主五朝復煩躁發熱睡卧不寧其痘頂平潤大根紅有神乃感受痘之厲氣先發於外也若是正痘既少必尖突而無前症矣用升麻葛根湯二劑痘果復出勻朗紅綻前

症悉平

一兒未熟先敷一點於唇上又一兒未熟先敷一點於左頰一點於右頰頂平潤大俱五日身熱而復出痘勻朗而順漿足收痂但報痘潰而不斂延至四日而愈

一女未熟先敷一點於承漿頂平潤大四日發熱痘復出稀朗紅綻而順但報痘腫連頰下膿成毒化而愈一兒先見一點於眉心至六日漸平塌如圍碁子大灰

欽定四庫全書

續名醫類書

卷三十七

白無神痒破煩熱痘復出勻朗紅綻為順但眉心屬命相火毒先於此相火受傷諸處雖順恐為獨陰不化也漿行倒靨肢冷喘脹搐搦九日死

一兒未熟先標點於腰間又一兒未熟先見點於頸項又有先見點於心窩或先見點於喉中者俱五六日而復出痘勻朗紅綻惟母痘平塌灰白無神痘漿雖滿忽倒靨喘脹而卒

一兒初標於山根粗肥咸謂稀疎可必至三朝壯熱狂

乳母痘塌陷頤頰隱徐謂山根屬脾雖粗肥形似
饅頭乃毒乘脾胃以人牙散又羌活散鬱湯治之痘
齊出稠密陷痘復起補中益氣湯漿足結痂痘色乾
紅少潤唇口裂血腹脹便秘瀉瀉用滋養清解之劑
便通安枕又口齟發疔用清胃解毒湯加連翹

萬密齋治朱大尹公子九歲發熱嘔吐曰痘也謂已出
過痘述故在曰此水痘癍非正痘癍也又謂為傷食
曰痘疹發熱與傷寒傷食相似傷寒發熱則面紅手
飲定四庫全書

痘名醫類書

卷三十七

足微溫傷食發熱則面黃手足壯熱痘疹發熱男則
面黃體涼女則面赤腮燥其足俱涼今公子身熱面
黃足涼乃痘也經云痘乃胎毒五臟各具一症發熱
呵欠驚悸心也項急煩悶肝也咳嗽噴嚏肺也吐瀉
昏腫脾也耳涼體涼足涼腎也今脾胃素弱毒乘虛
入故發在脾今但見嘔吐一症熱纔三日姑俟明日
再議次日以燈視之皮下隱隱紅點而唇邊已報痘
矣然順症也問服何藥曰痘無病不宜服藥但適其

寒溫調其飲食期十三日安後果然

索希文子年十三發熱復痛煩渴或作傷食治轉盛曰
此痘也腹痛者毒氣內攻也煩渴者神不得安津液
乾也法當解毒托裡不可緩也不信五日後痘齊涌
出未及起發乾枯內陷而卒

胡元溪子未痘問萬萬曰兒五歲端正三關明潤骨堅
肉實神俊氣清出痘必疎

驗小兒
痘瘡法

後發熱作搐曰此
佳兆也以辰砂散投之搐止痘出曰凡痘瘡起服未

飲定四庫全書

痘名醫類書

卷三十七

有頭面不腫者此痘顆粒緊小必不大腫期十二日
而安果然

萬子邦孝四歲發熱卒驚而絕其母大哭曰此痘疹也
乃掐合谷得匙與導赤散瀉青一服搐止痘出甚密
幸無他病十三日而靨後又出疹而愈

李氏子痘三四粒未起發而隱身亦無熱氣色昏黯精
神倦怠謂此痘必重曰已出二三粒收矣曰不然痘
出雖輕重未有不成熟膿結痂者前者試痘其症為逆

身無熱伏在內也數日作大熱齊涌出身無空膚用參芪芎歸甘草節以養氣血荆防木通青皮牛蒡連翹銀花酒岑山梔桔梗以解毒作大劑日一服至十三日後遍身潰爛不即收斂改用十全大補去桂加白芷防風外用敗草散貼觀前後十餘日而安

王氏子二歲發熱出紅點一二粒額紋青氣年上赤光此險症也先出者名試痘中氣不足毒氣隱伏故出不快也以調元湯加防風木香服後其痘旋出喜無他

欽定四庫全書

醫部全錄

痘疹

症十三日而安

陳文中云淮東趙制幹子年十五歲身壯熱嘔氣醫謂傷食感應丸一服瀉二行仍壯熱又一醫言傷寒小柴胡湯加枳殼其身不壯熱口乾足冷予曰始初身壯熱嘔氣便是痘瘡之症口乾足冷者感應丸瀉得裡虛也身不熱者柴胡解得表虛也若加喘渴則脾肺虛而不救矣以木香散加丁香官桂各半錢二日進五服第三日瘡出第七日成膿瘡子微渴人參白

末散一服又木香散一服十三日痂落而愈

方論

費建中治韓太史孫周歲忽身熱如烙昏迷不醒似驚非驚而有痘象却屬火裡留痘非輕緩之所能治者以大黃錢許石膏黃連佐以清透達表之劑連二服痘見勢亦減半至三日頗稀朗自起至終無甚風波而愈向非早為之計有不可知之變也

黑痘

房玄齡痘俱黑色如龍眼大老僧見之驚嘆曰萬龍含

欽定四庫全書

醫部全錄

痘疹

珠今得見矣

丘瓊山七歲痘亦遍身俱黑父憂哭漁父燭之躍然曰紫垣中輔弼宿落於此田舍翁家取筆書輔弼二字於子背上而去

昔有一兒痘形俱黑色在日中視之則黑以燈照之真紅映內偶遇一僧不服藥以洗元湯浴之即轉紅活後至台輔

一黑痘圓明光澤至漿時色如紫葡萄根園血暈微黃